

庶物類纂

草屬


自五十三至五十七


容



内閣文庫		
番號	和 32362	
冊數	465 (20)	
函號	圖 54	1

共卅







庶物類纂草屬卷之五十三目次

虎掌

天南星

斑杖

虎掌

虎掌

虎掌陶隱居云近道亦有形似半夏但皆大四邊有子如虎掌今用多破之或三四斤爾方藥亦不正用也唐本注云此藥是由跋宿者其苗一莖莖頭一葉枝丫音鴉腋古協莖根大者如拳小者如鷄卵都似扁梗四畔有圓牙看如虎掌故有此名其由跋是新根猶大於半夏二三倍但四畔無子牙爾陶云虎掌似半夏卽由跋以由跋爲半夏釋由跋苗全說鳶尾南人至今猶用由跋爲半夏也臣禹錫等謹按蜀本圖

經云其莖端有八九葉花生莖間根周圍有牙然若獸掌也

嘉祐補注本草

虎掌生漢中山谷及寃句今河北州郡亦有之初生根如豆大漸長大似半夏而扁累年者其根圓及寸大者如鷄卵周匝生圓牙二三枚或五六枚三四月生苗高尺餘獨莖上有葉如瓜五六出分布尖而圓一窠生七八莖時出一莖作穗直上如鼠尾中生一葉如匙裏莖作房傍開一口上下尖中有花微青褐色結實如麻子大熟即白色自落布地一子生一窠

九月苗殘取根以湯入器中漬五七日湯冷乃易日換三四遍洗去涎暴乾用之或再火炮今冀州人菜圓中種之亦呼爲天南星江州有一種草葉大如掌面青背紫四畔有芽如虎掌生三五葉爲一本冬青治心痛寒熱積氣不結花實與此名同故附見之

本草

圖經

虎掌因葉形似之非根也南星因根圓白形如老人星狀故名南星卽虎掌也蘇恭說甚明白宋開寶不當重出南星條今併入

明李東壁本草綱目

庶物類纂

卷五十三

大者爲虎掌南星，小者爲由跋，乃一種也。今俗又言大者爲鬼臼，小者爲南星，殊爲謬誤。同上

謹按虎掌、天南星、苗根相似差不同，乃一類二種也。由跋似半夏而根苗極大，三種各異。李東壁以爲一物誤也。

虎掌花如蛇頭，兩枝相抱。

明李中立本草原始

虎掌根、蒟蒻根皆似天南星。人雜采以爲南星，淆賣了不可辨。火炮易裂者是南星，炮之不裂者是虎掌。蒟蒻也。同上

虎掌、南星根極相似，葉迥然不同，而功效相近。古人通用之，故頌曰：天南星卽本經虎掌也。同上

天南星之名，始自開寶，卽本經之虎掌也。以葉取象，則名虎掌。根類取名，故曰南星。雖具二名，實係一物。爲開滌風痰之耑藥。清張路本經逢原

其新生之芽，曰由跋。同上

謹按此亦承李東壁之誤也。

天南星

一名鬼蒟蒻

嘉祐補註本草

一名虎膏

本草綱目

一名蛇

頭草

藥性奇方

一名波斯芋

肇慶府志

一名鬼芋

同上

名蛇頭朶草

證治

一名赤田蕷

又名一麻二根

準繩名

卽一麻有二箇根名二麻。證治準繩

俗名埋莫施忽索

近江州

又名遍皮那打異法

地信濃

天南星

天南星臣禹錫等謹按陳藏器云天南星主金瘡傷折瘀血取根碎傅傷處生安東山谷葉如荷獨莖用根最良嘉祐補注本草

天南星本經不載所出州土云生平澤今處處有之二月生苗似荷梗莖高一尺以來葉如蒟蒻兩枝相抱五月開花似蛇頭黃色七月結子作穗似石榴子紅色根似芋而圓二月八月採根亦與蒟蒻根相類人多悞採莖班花紫是蒟蒻一說天南星如本草所

說卽虎掌也小者名由跋後人採用乃別立一名爾今天南星大者四邊皆有子用時盡削去之又陳藏器云半夏高一二尺由跋高一二寸此正誤相反也今由跋苗高一二尺莖似蒟蒻而無班根如雞卵半夏高一二寸亦有盈尺者根如小指正圓也江南吳中又有白蒟蒻亦曰鬼芋根都似天南星生平澤極多皆雜採以爲天南星了不可辨市中所收往往是也但天南星小柔膩肌細炮之易裂差可辨爾古方多用虎掌不言天南星天南星近出唐世中風痰

毒方中多用之續傳信方治風痛用天南星躑躅花茲生時同搗羅作餅于甌上蒸四五遍以絲葛囊盛之候要卽取焙搗爲末蒸餅丸梧桐子溫酒下二丸腰腳骨痛空心服手臂痛食後服大良本草圖經

天南星今市人多以由跋小者似天南星但南星小柔膩肌細炮之易裂差可辨爾元朱震亨本草衍義補遺天南星蛇頭草根也二月生苗獨莖似荷高一二尺斑綠色如蛇形葉如翦兩枝相抱五月開花似蛇頭紅黃色七月結子作穗如石榴子然其根似芋圓作

餅狀大者四邊有小子桓附好生平澤陰潤之地江
南處處有之二月八月採根爐灰汁中浸數日暴乾
凡用或以酒浸以薑汁浸以火炮製有不同世多以
虎掌假充者但南星炮之易裂以此爲辨耳或以半
夏爲南星之小者非也此各有種殊與南星不同畏
附子乾薑生薑餘說本草不載明許奇周
證治準繩

蛇頭楓草又名赤田蕡又名一麻二麻有一箇根卽

一麻有二箇根名一麻

明王守堂
藥性奇方

天南星苗似荷梗高一尺許葉似蒟蒻長枝相抱花

似蛇頭紫色結實成穗似石榴子根似芋而圓八閩通志

天南星一名虎膏亦名虎掌又名鬼蒟蒻其新根名
由跋二月生苗莖上有葉作五六岐五月開花似蛇

頭黃色結子作穗紅色八月采根似芋而圓扁俗呼

波斯芋又呼鬼芋入藥治風癆

肇慶府志

天南星本類蕷花黃子連穗野生

泉州府志

天南星野生一者佳

瓊州府志

天南星本草曰苗類荷梗直起葉如蒟蒻兩枝相抱
花若蛇頭結子作穗根似芋而圓

汀州府志

庶物類纂

卷五十三

南星花黃結子作穗如石榴子紅色根似蕷而圓
陰江

縣志

斑杖

斑杖

蕷頭出吳蜀葉似由跋半夏根大如碗生陰地雨滴葉下生子一名蕷蕷又有斑杖苗相似至秋有花直出生赤子其根傳癰腫毒甚好根如蕷頭毒猛不堪

食嘉祐補
註本草

馬志曰虎杖亦名斑杖與此不同

明李東璧
本草綱目

斑杖卽天南星之類有斑者

同上

斑杖梗肖南星根塗毒

香山縣志

庶物類纂草屬卷之五十四目次

半夏

由跋

牛夏

一名守田，名醫

錄一名地文

同上

一名水玉

同上

名示姑

同上○謹按本草綱目作和姑

俗名革賴思被施也忽山城又名己紫涅那
施也忽矢近江又名思思達那被施也忽防周
州又名別被思

忽山城
州
陸奥

半夏

半夏陶隱居云。槐里屬扶風。今第一出青州。吳中亦有。以肉白者爲佳。不厭陳久。用之皆先湯洗十許過。令滑盡。不爾。戟入咽喉。方中有半夏。必須生薑者。亦以制其毒。故也。唐本注云。半夏所在皆有。生平澤中者。名羊眼半夏。圓白爲勝。然江南者大乃徑寸。南人特重之。項來互用。功狀殊異。問南人說苗。乃是由跋。陶注云。虎掌極似半夏。注由跋乃說。鴛尾於此注中似說。由跋三事混淆。陶終不識。臣禹錫等謹按蜀本。

云熟可以下痰又圖經云苗一莖莖端三葉有二根
相重上小下大五月採則虛小八月採則實大採得
當以灰裹一日湯洗暴乾之

嘉祐補注本草

半夏生槐里川谷今在處有之以齊州者爲佳二月
生苗一莖莖端三葉淺綠色頗似竹葉而光江南者
似芍藥葉根下相重生上大下小皮黃肉白五月八
月內採根以灰裹一日湯洗暴乾之云五月採者虛
小八月採者實大然以圓白陳久者爲佳其平澤生
者甚小名羊眼半夏又由跋絕類半夏而苗高近一

二尺許根如鷄卵大多生林下或云卽虎掌之小者
足以相亂

本草圖經

謹按半夏與由跋苗狀絕相似惟由跋肥大而葉
稍不尖根大如鷄卵爲異也圖經云江南者似芍
藥葉根下相重生上大下小者卽是由跋非半夏
也

禮記月令五月半夏生蓋當夏之半也故名守田會
意水玉因形

明李東壁本草綱目

謹按半夏二月生苗其莖下生圓顆應在五月中

也

半夏獨莖生，莖端出三葉，淺綠色，頗似竹葉而光，根下相重生，上大下小，皮黃肉白。八閩通志

半夏禮仲夏之月半夏生，本草經一名地文，一名水玉，莖端淺綠色，頗似竹葉，皮黃肉白，採根以灰裹之，湯洗曝乾。海澄縣志

半夏本草曰，一名地文，一名水玉，莖端三葉，淺綠色，頗似竹葉，皮黃肉白，採根以灰裹之，湯洗曝乾。汀州府志半夏一名守田，又名地文，苗一莖，莖端三葉，有二根

相重，上小下大，皮黃肉白。江陰縣志

半夏五月半始生，一莖三葉，味辛平，有毒。重修靖江縣志

半夏五月採者虛小，八月採者實大，然以圓白陳久，者爲佳用，必湯洗十許過，以薑製之方可，又由跋絕，

類半夏，宜慎服者忌，羊肉、海藻、飴糖。萬曆杭州府志

半夏一名守田，一名水玉，一名地文，一名和姑，月令

五月半夏生，一莖，莖端有葉，淺綠，三三相對，開白花，八月采根，圓白者爲治痰要藥。肇慶府志

半夏圖經，葉似芍藥，根下相重生，上大下小，皮黃肉

白今瓊產葉較圓

儋州志

半夏月令曰仲夏之月半夏生歷代本草皆言其二月生苗驗其生時果不在夏乃時珍不審卽謂其生當夏之半也不同說夢哉

清劉若金本草述

由跋

俗名莫索施挨勿容

由跋

由跋陶隱居云本出始興今都下亦種之狀如烏翫而布地花紫色根似附子苦酒摩塗腫亦效不入餘藥唐本注云由跋根尋陶所注乃是鳶尾根卽鳶頭也由跋今南人以爲半夏類爾乖越非惟不識半夏亦不知由跋與鳶尾也今按陳藏器本草云半夏高一二生澤中熟地根如小指正圓所謂半眼半夏也由跋苗高一二尺似芑弱根如鷄卵生林下所謂由跋也臣禹錫等謹按蜀本圖經云春抽一莖莖端

直八九葉根圓扁而肉白

嘉祐補注本草

由跋絕類半夏而苗高近一二尺許根如鷄卵大多

生林下或云卽虎掌之小者足以相亂

本草圖經

謹按由跋苗葉絕似半夏而極大根如鷄卵大一

如蘇頌所說由跋天南星虎掌蒟蒻苗狀根形皆

相類而不同也

由跋此卽天南星之小者其氣未足不堪服食故醫方罕用惟重八九錢至一兩餘者氣足乃佳正如附子之側子不如附子之義也

明李東壁本草綱目

陳延之小品方亦以東海鳶頭爲由跋則其訛誤矣

同上

謹按由跋與天南星其種不同李東壁謂卽天南星之小者誤矣

江南半夏大乃徑寸葉似芍藥根下相重上大下小皮黃肉白南人特重之用之始知其異此乃由跋類半夏而苗不同誤以爲半夏也白傍幾子絕似半夏但咀之微酸不堪入藥

明王蓋臣二如亭羣芳譜

由跋虎掌天南星也○蘇頌言之甚明由跋是新根

如半夏者大者爲虎掌或言江州一種葉大如掌面青背紫四畔有牙三四葉爲一本冬青不花實此名虎掌綱目言根如星日南星葉如虎掌故曰虎掌此非也南星之葉不似虎掌明方以智通雅

庶物類纂草屬卷之五十五目次

大戟

續隨子

五鳳草

大戟

一名蕎

雅爾一名邛鉅

同上

一名澤漆

神農本草

一名

漆莖

名醫別錄一名下馬仙

本草綱目

俗名禿鳥打異忽索

大戟

蕎、印鉅爾雅

今藥草大戟也。本草云。

晉郭璞爾雅註

蕎一名印鉅。郭云：今藥草大戟也。本草云：

者案本草

大戟一名印鉅。苗名澤漆。陶注云：今近道處處有生

時摘葉有白汁故名澤漆也。

宋邢昺爾雅註

卽大戟也。

宋鄭夾漈爾雅註

大戟陶隱居云：近道處處皆有，至穰賤也。臣禹錫等

謹按唐本云：畏菖蒲、蘆草、鼠屎。蜀本圖經云：苗似甘

謹按唐本云：畏菖蒲、蘆草、鼠屎。蜀本圖經云：苗似甘

遂高大葉有白汁花黃根似細苦參皮黃黑肉黃白五月採苗二月八月採根用爾雅云蕎卽鉅注云今本草大戟也

嘉祐補註本草

澤漆陶隱居云此是大戟苗生時摘葉有白汁故名澤漆亦能齧人肉臣禹錫等謹按蜀本圖經云五月採日乾用藥性論云澤漆使治皮肌熱利小便日華子云冷微毒止瘧疾消癆退熱此卽大戟花川澤中有莖梗小有葉花黃葉似嫩菜四五月採之

同上

謹按澤漆大戟苗也貓兒眼睛草亦名澤漆

同名

而異物也

大戟澤漆根也生常山今近道多有之春生紅芽漸長作叢高一尺已來葉似初生楊柳小團三月四月開黃紫花團圓似杏花又似蕪荑根似細苦參皮黃黑肉黃白色秋冬採根陰乾淮甸出者莖圓高三四尺花黃葉至心亦如百合苗江南生者葉似芍藥本草圖經

澤漆大戟苗也生泰山川澤今冀州明州及近道有之生時摘葉有白汁出亦能齧人故以爲名

同上

大戟生平澤甚多直莖高二三尺中空折之有白漿葉長狹如柳葉而不團其梢葉密攢而上杭州紫大戟爲上江南土大戟次之北方綿大戟色白其根皮柔韌如綿甚峻利能傷人弱者服之或至吐血不可不知

明李東壁本草綱目

澤漆本草一名漆莖大戟苗也生太山川澤及冀州鼎州明州今處處有之苗高二三尺科生莖紫赤色葉似柳葉微細短開黃紫花狀似杏花而瓣頗長生時摘葉有白汁出亦能齧刺人故以爲名味苦辛

性微寒無毒一云有小毒一云性冷微毒小豆爲之使惡薯蕷嘗葉味澀苦食過回味甜救飢採葉及嫩莖燂熟水浸淘淨油鹽調食採嫩葉蒸過曬乾做茶喫亦可

明徐光啓農政全書

澤漆卽大戟苗

江都新志

大戟覈曰近道多有之類生平澤春生紅芽漸長叢高一尺以來莖直中空折之有白漿葉狹長似柳梢頭葉攢密而上三四月開黃紫花似杏花又似蕪荑根似細苦參皮黃肉黃白惟杭州一種色紫而柔爲

上品。江南土大戟次之。北方一種綿大戟皮勑如綿而色白氣味峻利。弱人誤服吐血。不可不知。清劉若述。

大戟。一名下馬仙。春生紅芽長作叢高一十二尺葉似初生楊柳小團。又似芍藥夏開黃紫花團圓似杏花。又類蕪荑根似苦參多戟入咽喉清陳淏子祕傳花鏡。

續隨子

一名拒冬。名醫別錄。一名千金子。同上。一名菩薩豆。嘉祐補註本草。一名千兩金。同上。一名聯步。本草綱目。

續隨子

續隨子臣禹錫等謹按蜀本云積聚痰飲不下食嘔逆及腹內諸疾研碎酒服之不過三顆當下惡物日華子云宣一切宿滯治肺氣水氣傳一切惡瘡疥癬單方日服十粒瀉多以酸漿水并薄醋粥喫卽止一名善薩豆千兩金葉傅白癩面酐嘉祐補注本草

續隨子生蜀郡及處處有之今南中多有北土產少苗如大戟初生一莖莖端生葉葉中復出數莖相續花亦類大戟自葉中抽薹而生實青有殼人家園亭

中多種以爲飾。秋種冬長春秀夏實故又名拒冬實入藥採無時下水最速然有毒損人不可過多。本草經續隨子莖中亦有白汁可結水銀。明李東壁本草綱目黃氏曰續隨子多生蜀郡今處處有之江南尤多入藥以南產者爲勝人家園圃種此可觀但秋冬生秀夏實故又名拒冬子也苗如大戟初生一莖葉在莖端葉復生莖莖復生葉轉展疊加宛如十字作花亦類大戟但從葉中抽蘇以結實耳修治取子鋪竹扁內用薄砧塊如手掌大輕輕搗之則殼自散播去。

浮殼取白仁綿紙包裹壓去油用

明倪朱謨本草彙言

續隨子人家多種於園亭其花似大戟秋種冬長春

秀夏實

宋鄭夾深昆蟲草木略

續隨子俗名千金子

萬曆杭州府志

謹按俗寧波府志作一

千兩金一名續隨子一名菩薩豆生蜀郡處處亦有之苗如大戟初生一莖莖端生葉葉中復出葉相續而生花亦類大戟而黃自葉中抽蘇而開實青有殼人家園亭多種之

清陳淏子祕傳花鏡

五鳳草

一名澤漆

本草綱目

一名貓兒眼睛草

同上

一名綠

葉綠花草

同上

俗名思思勿里忽索

佐渡州

五鳳草

別錄陶氏皆言澤漆是大戟苗日華子又言是大戟花其苗可食然大戟苗洩人不可爲菜今攷土宿本草及寶藏論諸書並云澤漆是貓兒眼睛草一名綠葉綠花草一名五鳳草江湖原澤平陸多有之春生苗一科分枝成叢柔莖如馬齒莧綠葉如苜蓿葉圓而黃綠頗似貓睛故名貓兒眼莖頭凡五葉中分中抽小莖五枝每枝開細花青綠色復有小葉承之齊整如一故又名五鳳草綠葉綠花草掐莖有白汁黏

入其根白色有硬骨或以此爲大戟苗者誤也五月采汁煮雄黃伏鍾乳結草砂據此則澤漆是貓兒眼晴草非大戟苗也今方家用治水蠱腳氣有効尤與神農本文相合自漢人集別錄誤以爲大戟苗故諸家襲之爾用者宜審明李東壁

澤漆利水功類大戟故人見其莖有白汁遂誤以爲大戟然大戟根苗皆有毒澆入而澤漆根硬不可用苗亦無毒可作菜食而利丈夫陰氣盛不相侔也同上

庶物類纂草屬卷之五十六目次

蕓薹

牙子

蕓麻

博落迴

藜草

蕓蘿

一名遂蕓爾雅一名馬尾同上一名蕩神農本草一名
夜呼同上一名白昌開寶本草一名當陸同上一名章
柳本草圖經一名中榕世醫方得一名雙六保命歌括一
名張雷兒菜叢園雜記一名當路肇慶府志

俗名也哩哥復烏

商薩

遂蕷馬尾

爾雅○遂他六
反蕷他羊反

廣雅曰馬尾

商薩本草云別名蕷今關西亦呼爲蕷

江東爲當陸

晉郭璞
爾雅註

藥草商薩也

一名遂蕷

一名馬尾

郭云

廣雅曰馬尾

商薩本草云別名

蕷今關西呼爲蕷江東爲當陸案

本草商薩

一名蕷根一名夜呼不同者所見本異也

今注云

一名白曷

一名當陸是也

宋邢昺
爾雅註

卽商薩遂他六反

蕷他羊反宋鄭夾漈

爾雅註

商薩

卷五十一

草屬 商薩

商薩陶隱居云近道處處有方家不甚乾用療水腫切生根雜生鯉魚煮作湯道家乃散用及煎釀皆能去戶蟲見鬼神其實亦入神藥花名蕩花尤良唐本注云此有赤白二種白者入藥用赤者見鬼神甚有毒但貼腫外用若服之傷人乃至痢血不已而死也今注商薩一名白昌一名當陸臣禹錫等謹按蜀本圖經云葉大如牛舌而厚脆有赤花者根赤白花者根白今所在有之二月八月採根日乾爾雅云遂蕩馬尾注廣雅曰馬尾商薩本草云別名蕩今關西亦

呼爲蕩江東呼爲當陸釋文云如人形者有神嘉祐補注

本草

商薩俗名章柳根生咸陽山谷今處處有之多生於人家園圃中春生苗高三四尺葉青如牛舌而長莖青赤至柔脆夏秋開紅紫花作朵根如蘆菔而長八月九月內採根暴乾其用歸表古方術家多用之亦可單服五月五日採根竹筍盛掛屋東北角陰乾百日擣篩井華水調服云神仙所祕法本草圖經

商薩昔人亦種之爲蔬取白根及紫色者擘破作畦

本草綱目

卷五十九

草屬 商薩

三

栽之亦可種子根苗莖葉可洗蒸食或用灰汁煮過亦良服丹砂乳石入食之尤利其赤與黃色者有毒不可食按周憲王救荒本草云章柳蘇粗似雞冠花蘇微有線楞色微紫赤極易生植明李東壁本草綱目

遂蕩馬尾郭璞曰廣雅云馬尾蕩蘆本草別名蕩今關西亦呼爲蕩江東呼爲當陸生入家園圃中高三四尺葉青如牛舌而長莖青赤至柔脆夏秋開紅紫花作朵根如蘆菔而長如人形者有神案參亦言如人形者有神而采及見若似人處攬而取之用灸

有驗物理乃不可勝窮易曰覓蘆夬夬覓與蘆皆陰類也或曰此一物卽名覓蘆今俗名章柳根又一名夜呼莫知其義據荆楚歲時記三月三日杜鵑初鳴田家候之此鳥鳴晝夜口赤上天乞恩至章蘆子熟乃止然則章蘆子未熟以前爲杜鵑鳴之候故稱夜呼宋羅願爾雅翼

蕩蘆曰遂蕩曰蕩根曰夜呼曰馬尾曰覓蘆曰章蘆曰章柳根曰蕩曰蕩詩云言采其蕩爾雅云蕩蕩又云遂蕩馬尾皆此也或言爾雅拜蕩蘆亦爲此耳根呼宋羅願爾雅翼

如人形者有神道家以爲脯謂之鹿脯有赤白二種
白者服食所須赤者爾雅謂之蕷茅宋鄭夾漈昆蟲草木略

蕷薩乾卽中榕根宋危亦林世醫得効方

章柳根本草一名蕷薩一名葛根一名夜呼一名白
昌一名當陸一名章陸爾雅謂之遂蕷廣雅謂之馬
尾易謂之莧陸生咸陽川谷今處處有之苗高三四
尺蘇麤似雞冠花蘇微有線楞色微紫赤葉青如牛
舌微闊而長根如人形者有神亦有赤白二種花赤
根亦赤花白根亦白赤者不堪服食傷人乃至瘀血

不已白者堪服食又有一種名赤昌苗葉絕相類不可用須細辨之蕷薩味辛酸一云味苦性平有₁毒一云性冷得大蒜良救飢取白色根切作片子燂熟摸水浸洗淨淡食得大蒜良凡製薄切以東流水浸宿撈出與豆葉隔間入甑蒸從午至亥如無葉用豆依法蒸之亦可花白者年多仙人採之作脯可爲下酒明徐光啓農政全書

嘗登嶧山山僧作水飯爲供食一蔬味佳問之云張留兒菜令採觀之乃蕷薩也餘姚人每言其鄉水族

有彈塗味甚美詳問其狀乃吾鄉所謂望潮郎耳此物吾鄉極貧者亦不食彼以爲珍味商薩在吾鄉牛羊亦不食彼以爲旨蓄正猶河豚在吳中爲珍異直沽漁人剗其肝而棄之鱠魚尤吳人所珍而江西人以爲鹽魚不食世之遇不遇豈惟人爲然夫物則亦有然者矣仲裘聞張留乃樟柳也

○明陸容

菽園雜記

易曰覓陸夬夬薩商薩也下有死人則上有商薩故其根多如人形俗名樟柳根者是也取之之法夜靜無入以油炙梟肉祭之俟鬼火叢集然後取其根歸

象以符煉之七日卽能言語矣一名夜呼亦取鬼神之義也此草有赤白二種白者入藥赤者使鬼若誤服之必能殺人又荆楚歲時記三月三日杜鵑初鳴田家候之此鳥晝夜鳴血流不止至商薩子熟乃止蓋商薩未熟之前正杜鵑哀鳴之候故稱夜呼也謝肇淛五雜組

商薩採苗莖洗淨熟蒸食加鹽料紫色者味佳明高濂野品

樟柳卽雙六明萬善保

草屬

商薩

六

商薩俗名章柳根葉如牛舌而長花作朵紅紫色根如蘆菔而長釋文云如人形者有神又一種花白色

八閩通志

商薩所在有之葉如牛舌有白花紫花二種多生路旁一名當路又名樟柳

肇慶府志

商薩一名當薩

寧波府志

商薩俗名樟柳

重修鎮江府志

商薩爾雅稱蕷能逐蕩水氣

重修靖江縣志

商薩俗呼當薩多生人家園圃中莖青赤至柔脆開

紅紫花根如蘆菔而長

江陰縣志

牙子

一名狼牙神農本草 一名狼齒別錄 一名狼子同上

一名大牙同上

一名抱牙本草綱目

一名支蘭同上

俗名打異谷莫索烏山城

牙子

牙子陶隱居云近道處處有之其根牙亦似獸之牙齒也臣禹錫等謹按蜀本圖經云苗似蛇莓而厚大淡綠色根崩牙若獸之牙今所在有之二月三月採牙日乾嘉祐補注本草

牙子卽狼牙子生淮南川谷及寃句今江東京東州郡多有之苗似蛇莓而厚大淡綠色根黑若獸之齒牙故以名之三月八月採根日乾本草圖經

狼牙范子計然云出建康三輔色白者善明李東壁本草綱目

別錄曰狼牙生淮南山谷及寃句今江東汴東州郡皆有苗若蛇莓而厚淡綠色根黑若狼獸之牙又范子云出建康及三輔色白者善葉青根黃赤六七月作花八月結實黑色十一月采根日乾如中溼腐爛生衣者能殺人明倪朱謨本草彙言

蕓麻

俗名禿烏哥埋

一名蕓麻唐本 一名大麻子河間府志

蕓麻

蕓麻 唐本注云此人間所種者葉似大麻葉而甚大其子如碑卑音又名蕓麻今胡中來者莖赤樹高丈餘子大如阜莢核用之益良油塗葉炙熟熨頸信音止癆尤驗也唐本先附臣禹錫等謹按蜀本圖經云樹生葉似大麻大數倍子殼有刺實大於巴豆青黃色斑夏用莖葉秋收子冬採根日乾胡中來者莖子更倍大所在有之又云葉似葦草而厚大莖亦有節如甘蔗

嘉祐補
注本草

蕓麻子舊不著所出州郡今在處有之夏生苗葉似葎草而厚大莖赤有節如甘蔗高丈許秋生細花隨便結實殼上有刺實類巴豆青黃斑褐形如牛蜱故名夏採莖葉秋採實冬採根日乾胡中來者莖子更大本草

大圖經

蕓麻子作采生從下旋旋開花而上從下結子宛如牛身之蜱取子炒熟去皮爛嚼臨睡服三二枚漸加至十數枚治癩癧必効宋寇宗奭本草衍義

蕓麻其莖有赤有白中空其葉大如蘿葉每葉凡五

尖夏秋間極裏抽出花穗纏繞性黃色每枝結實數十顆上有刺攢簇如蠅毛而軟凡三四子合成一顆枯時劈開狀如巴豆殼內有子大如豆殼有斑點狀如牛蜱再去斑殼中有仁嬌白如續隨子仁有油可作印色及油紙子無刺者良子有刺者毒明李東壁本草綱目

取蕓麻油法用蕓麻仁五升擣爛以水一斗煮之有沫撇起待沫盡乃止去水以沫煎至點燈不祚滴水不散爲度同上

有人舌腫脹舒出之外無敢醫者一村人云偶有此

藥歸而取至乃二紙燃以燈燒之取煙熏舌隨卽消縮衆問之方言吾家舊有一牛亦舌腫脹出口人教以草麻取油蘸紙燃燒煙熏之而愈因以治人亦

驗宋新安張杲醫說

蕓麻子可壓油以其形如牛婢故名近有自北地攜

乎來種者莖實視土產者倍大八通志

蕓麻夏生苗葉似葎草而厚大莖亦有節如甘蔗高

丈許秋生細花隨便結實殼上有刺實類巴豆青黃

斑寧波府志

蕓麻子又名大麻子河間府志

蕓麻子又名大麻子

河間府志

草蓀有赤白二種高丈餘葉大如瓠凡五尖每穗結

子數十顆外有軟刺每顆三四如巴豆仁主難產

塗足心葉主腳氣蒸同飯裏肇慶府志

蕓麻子本草儋州蕓麻子油甚盛炒熟治療癰瘍瓊州府志

蕓麻子炒熟治療癰瘍婦人產難者取八顆搗爛孚腳

心卽下恐腸出又取搗爛孚頂心雷州府志

蕓麻子圖經曰葉似葎草而厚大莖亦有節如蔗實

府志

蕓麻子炒熟治療癰瘍婦人產難者取八顆搗爛孚腳

草屬 蕓麻

四

植物類纂

卷五十一

類巴豆形如牛婢故名

汀州府誌

草麻子斑如巴豆

江陰縣志

草麻子稈如竹節葉類葵而光子有油

江陰

重修靖

靖

蕓麻在處有之夏生苗葉似葎草而厚大莖赤有節
如甘蔗高丈餘而中空夏秋間桺裏抽出花穗纍纍
黃色隨便結實殼上有刺狀類巴豆青黃斑褐點再
去斑殼中有仁嬌白如續隨子仁有油可作印色及

油紙用

清陳淏子祕傳花鏡

博落迴

一名落迴

酉陽雜俎

博落迴

落迴一曰博有大毒生江淮山谷中莖葉如麻莖中

空吹作聲如勃邏迴因名之

唐段成式
酉陽雜俎

博落迴有大毒主惡瘡癰根癟贅瘻肉白癥風蠱毒
精魅溪毒已上瘡瘻者和百丈青雞桑灰等爲末傳
瘞瘞蠱毒精魅當有別法生江南山谷莖葉如草麻
莖中空吹作聲如博落迴折之有黃汁藥入立死不

可入口也

陳藏器餘〇宋唐
慎微證類本草

蕡草

一名蕡麻

本草圖經

一名毛蕡

蘇東坡文集

一名燐麻

益部物略

一名蕡麻

墨莊漫錄

俗名由柰忽索

州

攝津

蠶草

蕁麻生江寧府山野中村民云療蛇毒然有大毒人誤服之吐利不止本草經圖

蕁麻川黔諸處甚多其莖有刺高二三十尺葉似花桑或青或紫背紫者入藥上有毛芒可畏觸人如蜂蠍蟄蠍以人溺濯之卽解有花無實冒冬不凋投水能毒魚明李東壁本草綱目

杜甫詩有除蠶草一篇今蜀中謂之毛蠶毛芒可畏觸之如蜂蠍然治風疼擇最先者以此草點之一身

皆失去葉背紫者入藥

蘇草錄○宋
蘇東坡文集

謹按正字通云據此說蕪亦能療疾棄瑕錄用可也國家任人亦然蘇集蕪譏作蕪

燄麻自劍以南處處有之或觸其葉如蜂螫人以溺灌之卽解莖有刺葉似花葉或青或紫善治風腫按杜詩當作蕪葉能螫人有花無實冒冬弗悴可以祛疾

宋宋祁益部
方略記

川峽間有一種惡草羅生於野雖入家庭砌亦有之如此間之蒿蓬也土人呼爲蕪

音瓊

其枝葉拂人肌

肉卽成瘡孢浸淫潰爛久不能愈杜子美除草詩所謂草有害於人曾何生阻修其毒甚蜂蠻其多彌道周蓋謂此也劉表延伸仲至蜀嘗見之

宋淮海張邦基墨莊漫錄

蕪麻卽蕪麻○圖經有蕪麻一作毛蕪音爛李時珍曰蕪字本作蕪杜子美有除蕪草詩智按張子賢墨莊漫錄曰川峽間有一種惡草土人呼爲蕪麻音瓊其枝葉拂人肌肉卽成瘡孢劉表延伸仲至蜀嘗見之今考葉有毛送觸人如薑以人溺洗之可解也俗蕪作蕪乃蕪之訛蕪音爛爲瓊者其土音耳宋子京益

部方物記有燭麻贊明方以

智通雅

燭麻亦斷腸枝葉近膚皆壞惟人溺可解古巴島有
異草毒木入持其枝葉卽死東雲雖言燭麻如麻葉
而長碎有刺高三尺耀州延綏包手取以飼豕卽肥

清曉桐方氏

物理小識

庶物類纂草屬卷之五十七目次

毛建草

黃堇

毛建草

一名猴蒜

本草拾遺

俗名挨柰紫復

州紀伊

毛建草

毛建草及子味辛溫有毒主惡瘡癰腫疼痛未潰搗葉傅之不得入瘡令入肉爛主瘡令病者取一握微碎縛中臂上男左女右勿令近肉便卽成瘡子和薑搗破冷氣田野間呼爲猴蒜生江東澤畔葉如芥而大上有毛花黃子如蒺藜又有建有毒生水旁葉似胡芹未聞餘功大相似陳藏器餘○宋唐
謹按本草綱目併毛建草毛茛草爲一條然其種稍不同非一物

黃董

黃董

又鉤吻與食芹相似而其所生之地傷無他草莖有毛誤食之殺人方薺莞八兩咬咀以水六升煮取三升服之

唐王燾外臺祕要方

董黃花者殺人唐武后寘諸食中以毒賀蘭氏暴死者蓋此種也

宋鄭夾漈昆蟲草木略

董黃花者有毒殺人卽毛芹也見草部毛茛

明李東璧本草

綱目

謹按黃董與毛茛不同

月物類纂

卷五十一

